



TOSHKENT DAVLAT YURIDIK UNIVERSITETI REKTORINING BUYRUG'I

24.03.2022 yil

70 tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda. Shunga qaramasdan ayrim talabalar tomonidan universitet ichki tartib qoidalarini buzish holatlari kuzatilmoqda.

Xususan, 2022-yil 25-fevral kuni Jinoiy odil sudlov fakulteti 2-kurs B potok 1-guruh talabasi Raxmanova Zulfizar Erkinovna dars mashg'ulotiga kech qolib soat 08-45 da 2-bino, 301-auditoriyaning oldiga kelganida tyutor F.Meliqo'ziyev unga o'qituvchi kech qolgan talabalarni darsga kiritmayotganligini aytgan vaqtida talaba Z.Raxmanova tyutorni bo'yinbog'idan tortib "sen kimsanki meni darsga kiritmaysan" deb qo'pol munosabatda bo'lgan.

Talaba Z.Raxmanova o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksi 14-moddasining ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining

namunali xulq-atvori bilan universitet haqida yuksak ijobiy taassurot uyg'otish), 18-moddasi birinchi, ikkinchi qismlari (xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi, xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etilishi), 26-moddasi ikkinchi qismi, ikkinchi xatboshisi (qonun hujjatlari va mazkur Kodeks talablariga rioya etish) hamda 27-moddasi "a" bandi o'ninchi xatboshisi (xodim, talaba yoki doktorant bilan nizoli vaziyat yuzaga kelganda o'z hissiyotlarini jilovlashga, mazkur vaziyatni ko'rib chiqish bo'yicha tegishli bo'linma va xodimlarga (tyutor, dekan, O'zbekiston yoshlar ittifoqi boshlang'ich tashkiloti, Ma'naviyat va ma'rifat markazi) murojaat qilish kabi qoidalarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda prorektor A.Xashimhonov, Jinoiy odil sudlov fakulteti dekani D.Kamalovanning bildirgisiga muvofiq,

B U Y U R A M A N:

1. Universitetning Jinoiy odil sudlov fakulteti 2-kurs talabasi Raxmanova Zulfizar Erkinovnaga hayfsan e'lon qilinsin.

2. Jinoiy odil sudlov fakulteti Yoshlar masalalari va ma'naviy-ma'rifiy ishlar bo'yicha dekan o'rinbosari (M.Nodirov):

ushbu buyruq bilan fakultet talabalarini tanishtirsin;

mazkur holat takror sodir etilsa talabani talabalar safidan chetlashtirilishi to'g'risida ogohlantirsin;

mazkur talabaning shaxsiy hujjatlar yig'majildiga buyruq

nusxasi tikilishini ta'minlasin.

3. Mazkur buyruq bajarilishini nazorat qilish prorektor A. Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan(Fan nomzodi yoki falsafa
doktori(Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Markaz direktori

S.MAMANAZAROV



Devonxona mudiri

X.ABDULLAYEV



Direktor

SH.PO'LOTOV



YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV

**Buyruq bilan tanishdim:**

D.KAMALOVA